

Jrrthumb gelegt vnnd allein der vrsach durch seine, Doctor Luthers vermeinte Discipeln, die newen Theologen, die es billich nicht thûn sollen, so vnfreundtlich empfangen vnd gehandelt worden, wölche der öffentlichen Zwinglianer mit einem wort nicht gedencken, derselben auch nicht allein mit
5 Stillschweigen verschonen, sonder auch jren vermeinten Grund vnd verkerte, falsche, kâtzerische außlegung der Articul vnsers Christlichen glaubens bestetigen, dargegen Doctor Luthers erklärang vnnd gegengesetzten Grund öffentlich vnd ohne schewe als ein grewliche vnnd Gotslösterliche Kâtzerey verdammen vnd allen Zorn [a 4v:] vber den vnschuldigen, abgestorbnen
10 Brentium vnd seine getrewe Mitgehülffen außstossen. Vnnd wöllen demnach in keinen Zweifel setzen, sollich ewer warhafftig Zeugnuß von dem Herrn Brentzen seligen vnd vns werde bey allen frommen, gûthertzigen vnnd auffrichtigen Christen vil ein grösser ansehen haben, wölche mit deß Herrn Brentzen seligen öffentlichen, christlichen Schrifftten vbereinstimmt, denn
15 der newen Theologen vngegründte Lôsterung vnnd Calumnien, so weder auff jne noch vil weniger auff seine Lehr, die er von anfang biß in sein Grûben hinein einhellig, bestendig vnd vnuerendert von disem Articul gefûret (inmassen seine Schrifftten außweisen), nimmermehr mögen erweisen werden.
20 Wiewol wir nun als solliche ewere vilgedachte Christliche Confession vnd Declaration öffentlich außgangen, gântzlich dafür gehalten, das es vnnötig zû vnser selbst vnnd vnser Kirchen entschuldigung, dise Schrifft, so wir allbereit vnnd vorlangst zû widerlegung sollicher beschwerlichen Calumnien verfasst, dem Christlichen Leser durch den Truck mitzuteilen. Jedoch,
25 nachdem nicht allein jr in ermelter ewer [b 1r:] repetirten Confession¹² sollich von vns erfordert, sonder auch hin vnnd wider durch der Schwâbischen vnnd Oberländischen Kirchendiener, vnser freuntliche liebe Brüder, so Gottlob mit vns in allen Articuln vnser Christlichen Religion Augspurgischer Confession einig, wir vilfältig mündtlich, schriftlich erinnert, gebetten vnd
30 ernstlich vermanet worden, das wir vmb der ehr Christi vnnd seiner Kirchen willen der warheit zum Zeugnuß auff vns vnnd vnsern Kirchen dise beschwârliche, so viler namhaffter, grober, erschrockenlichen, verdampfter Ketzerereyen beschuldigung, als namlich der Arrianer, Sabellianer, Samosatener, Martioniten, Eutychianer, Nestorianer, Monotheliten, Seruetianer, Schwenckfeldianer etc. nicht wöllen ligen lassen, haben wir sollichs lenger nicht verwaigern noch einstellen sollen.
35 Darmit aber der Christlich Leser vnnd meniglich¹³ sehen vnd im Werck spüren vnd greiffen möge, das es nicht vmb vnser eigen ehr zu thûn, noch etwas auß fleischlicher affection, menschlicher Rachgirigkeit oder liebe zu zancken durch vns vorgenommen, haben wir gleicher gestalt sollichs auch allein Con-

Was die Württembergische Theologen zû diser Schrifft verursacht.

Warumb dise Schrifft Confessionsweise gestellt.

¹² Vgl. Anm. 2.

¹³ jeder. Vgl. Art. männiglich 2), in: DWb 12, 1591.